

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/TUŽITELJSTVO
T R A V N I K

Broj: T06 0 KTK 0029232 22

Travnik, 27.01.2023.godine

OPĆINSKOM SUDU U BUGOJNU

- Sudiji za prethodno saslušanje –

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

OPTUŽNICU

Protiv:

Davora Ivoš, rođen 1983.godine.

Zbog postojanja osnovane sumnje da je:

U svojstvu odgovorne osobe ovlaštene za zastupanje i predstavljanje Nogometnog kluba Iskra Bugojno i predsjednika Upravnog odbora Nogometnog kluba Iskra Bugojno na osnovu Rješenja Ministarstva pravosuđa i uprave SBK Travnik broj: 03-05-174/2019 od 17.09.2019.godine sa sjedištem u ulici Jaklička bb Bugojno, Općina Bugojno, suprotno članu 40 Statuta udruženja građana Nogometnog kluba Iskra Bugojno, kojim su propisani poslovi i zadaci predsjednika Upravnog odbora, iskorištavanjem službenog položaja ili ovlaštenja s ciljem pribavljanja imovinske koristi, pribavio sebi imovinsku korist u iznosu od 34.250,00 KM, svjestan da sebi pribavlja imovinsku korist, što je i htio, tako što je doznačena novčana sredstva za 2020.godinu i 2021.godinu iz kapitalnih sredstava Budžeta općine Bugojno u iznosu od 73.000,00 KM za rekonstrukciju i održavanje stadiona Jaklič, za koji je Općina Bugojno dala saglasnost broj: 422-HH-002 od 20.05.2020.godine za korištenje Nogometnom klubu Iskra Bugojno, u vremenskom periodu od 02.07.2021.godine do 04.08.2021.godine podizao sa računa Nogometnog kluba Iskra Bugojno broj: *** otvoren kod Union banke dd Sarajevo, novac u iznosu od 20.000,00 KM dana 02.07.2021.godine, 10.000,00 KM dana 23.07.2021.godine i 8.250,00 KM dana 04.08.2021.godine, kao jedina ovlaštena osoba za raspolaganje novčanim sredstvima po tom računu, na koji način je podigao dio doniranih novčanih sredstava iz Budžeta općine Bugojno u ukupnom iznosu od 34.250,00 KM, koji novac je prisvojio, a koji je bio dužan opravdati prema odredbi člana 6. Odluke o izvršavanju Budžeta Općine Bugojno za 2021.godinu (broj: 02-14-00691-1-20 od 31.03.2021.godine), na koji način je za iznos od 34.250,00 KM sebi pribavio imovinsku korist, a za taj iznos nanio štetu Budžetu Općine Bugojno i Nogometnom klubu Iskra Bugojno.

Dakle, u svojstvu odgovorne osobe predsjednika Upravnog odbora, iskorištavanjem svog službenog položaja pribavio imovinsku korist koja prelazi 10.000,00 KM.

Čime bi počinio krivično djelo „Zloupotreba položaja ili ovlaštenja“ iz člana 383 stav 2 u vezi sa stavom 1 KZ F BiH.

Shodno odredbi člana 114 KZ F BiH, u vezi sa članom 417 ZKP-a F BiH, predlažemo da se od osumnjičenog oduzme imovinska korist pribavljena krivičnim djelom i to novac u iznosu od 34.250,00 KM

KANTONALNA TUŽITELJICA